



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Octonarius decimus tertius. Mem. Quomodo dilexi legem tuam, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

Hoc agit, ut possit reprobus me perdere, tantum
Pareo quòd monitis sedulus ipse tuis.

Res video cunctas minui atq; perire creatas:
At semper bonitas & tua pacta manent.

Octonarius decimus tertius.

M E M,

Quomodo dilexi legem tuam, &c.

O Deus, immotam legem quam diligo, voluens
Hanc meditansq; animo nocte dieq; tuam.

Per tua verba, meo si prudentior hoste,

Qua veluti diues sunt mihi gaza, Deus.

Et doctore meo longè sum doctior ipse,

Perpetuus sermo sunt tua iussa mihi.

Astutis etiam senibus cum cautior inde,

Quòd tua conseruo fœdera pacta mihi.

Pes meus ut vitet vestigia lubrica, nusquam

Se mouet à placitis eloquiisq; tuis.

Ipse tuà nunquam de sacrà lege recedam,

Imperium didicit mens mea ferre tuum.

Tàm mihi grata sonant tua verba et suauia dicta,

Vt sapida haud possint mella placere magis.

Hoc

*Hoc quoniam edoctus Domini sum legibus, odi
Peruersos, mihi dum semita recta placet.*

Octonarius XIII.

N V N.

Lucerna pedibus meis verbum &c.

PEs meus & regitur verborum lege tuorum,
Et mihi præscripta hoc clara lucerna via est.
Mystica iusticia cœlestis dicta tenebo,
Me seruaturum iuro statuta Dei.
Heu nimis oppressus iaceo et contemnor ab hoste,
Me Domini afflictum subleuet alma manus.
Hostia prompta meis labiis sit suavis odore,
O Deus, ò doceas me tua iussa sequi.
In manibus mea vita meis gestatur, & hinc est
Imperii nunquam non memor illa tui.
Non à lege Dei, stolide persuasus, aberro,
Cum tendit laqueos impia turba mihi.
Fœdera quæ sancis, mihi sunt bona portio vite,
Latatur mea mens fœdere tota tuo.
Huc oculos, aciem mentis, cor tendo manusq;
Semitaq; exosa est omnis iniqua mihi.